



Kws Kos Duab Cov Lus Adam Swanson

Teb rau John Norton Cov Duab nyob rau ntawm Ramsey County Tsev Hais Plaub

Feem ntau nyob hauv xyoo 2019 kuv tau txais lub luag hauj lwm los mus kos cov duab nyob rau cov chaw sab hauv thiab sab nraud puag ncig Minnesota. Cov hauj lwm no tau pib los ntawm kev nrhiav tswv yim pab los ntawm cov tswv cuab hauv lub zej zos thiab cov pab pawg muab tswv yim txhawm rau kom los mus nrhiav tau tej duab uas muaj feem txuas rau cov neeg nyob hauv lub zej zos thiab cov qhua tuaj saib. Kuv ua tsaug ntau uas tau muaj lub cib fim no los teb rau John Norton daim duab hais txog tej Hauj Lwm nyob rau ntawm Ramsey County Tsev Hais Plaub. Kuv loj hlob hauv Ramsey County thiab qhov no yog ib lub sij hawm zoo los qhia txog kuv qhov kev tshawb fawb rau ntawm Minnesota li keeb kwm xwv thiaj rov- txhais tau John Norton cov duab (1931-32) thiab txuas nrog rau lub xeev cov neeg Native American thiab cov neeg uas muab kev pab txhawb rau txhua yam uas nyob ib ncig peb.

Li yog ib tus tswv cuab ntawm Twin Ports Art-Science Collaborative hauv tsib lub xyooos dhau los, kuv tau ua hauj lwm nrog cov kws tshawb fawb hauv zej zos los kawm kom paub txog ntau yam sib txawv. Txij ntawm qhov mus muab cov qauv dej ntawm tus niam dej Mississippi River mus rau qhov ncig saib SPRUCE txoj hauj lwm hais txog huab cua kev hloov pauv nyob hauv Grand Rapids, kuv txoj kev ua tswv cuab rau hauv txoj kev sib koom no tau ua rau kuv pom ib vuag txog qhov tseem ceeb ntawm tej ntaub ntawv uas cov kws tshawb fawb tau suav sau los hais txog txhua yam uas nyob ib ncig peb. Tsis tas li no kuv kuj tseem yog ib tus tswv cuab ntawm Duluth For Clean Water, ib lub koom txoos ua dej num pab dawb 501c4 uas yog nrhiav ib txoj kev zoo tom ntej rau St. Louis River thiab Lake Superior tej dej thiab av (watershed). Kuv tseem muaj txoj hmoo tau siv sij hawm ntau hauj sim nyob rau ntawm Standing Rock cov kev tawm tsam Dakota Access Pipeline, nyob mloog lawv hais.

Lub hom phiaj ntawm kuv kev kos duab yog los mus cav txog cov neeg tseem ceeb uas kuv fwm lawv thiab cov phooj ywg uas tab tom ua hauj lwm rau txoj kev zoo yav pem suab ntawm Minnesota. Kuv tau muab tej hauj lwm uas yuav coj Saint Paul thiab lwm qhov ntawm Minnesota mus rau lub neej tag kis uas yuav nyob tau ruaj khov. Tam sim no, tshaj txhua yam, tsoom neeg nyob hauv Minnesota tab tom txhawj xeeb txog peb lub neej nyob nrog tej kev tsim khoom lag luam, dej, thiab txhua yam uas nyob ib ncig peb. Kuv xav txhawb cov kev xav tshiab hais txog peb tej hauj lwm niaj hnub nqes tes ua rau ntawm tus niam dej Mississippi River thiab cov cheeb tsam nyob ib ncig. Saint Paul yog ib tus thawj coj hauv lub xeev thiab lub teb chaws muaj txoj kev sib txuas nrog tus niam dej Mississippi River. Kev kawm kom paub txog thiab sib qhia peb txoj kev coj thiab tej txuj ci uas peb paub nyob hauv cov duab uas muaj qhov ua rau peb xav, peb huas lub sij hawm tseem ceeb los lees paub peb tej kev hloov pauv, thiab sai mus ces yog ib qho yuav nyob mus li, txoj kev sib txuas nrog rau tej av, dej, thiab tsiaj txhu uas ua rau thaj tsam peb nyob tshwj xeeb zoo heev li.

For more information on the Ramsey County Courthouse/St. Paul City Hall Council Chamber Art Project, full artists' statements and more, see <https://www.rchs.com/news/chamber-art/>

